

Section 4 – Rudra Kramam

15 गणपति ध्यानं

ओं ग॒णानां॑ त्वा	त्वा ग॒णपतिं॑
ग॒णपति॑ꣳ हवामहे	ग॒णपति॑मिति ग॒ण - पतिं॑ >
हवामहे क॒विं	क॒विं क॒वीनां॑
क॒वीनामु॑पमश्रवस्तमं	उ॒पमश्र॑वस्तम॒मित्यु॑पमश्रवः - तमं॑ >
ज्येष्ठ॑राजं ब्रह्म॒णां	ज्येष्ठ॑राजमिति ज्येष्ठ - राजं॑ >
ब्रह्म॒णां ब्रह्म॑णः	ब्रह्म॑णस्पते >
पत॒ आ	आ नः॑
नꣳशृ॒ण्वन्	शृ॒ण्वन्भू॒तिभिः॑
ऊ॒तिभि॑स्सीद	ऊ॒तिभि॑रित्यूति - भिः॑
सीद॒ सादनं॑	सादन॑मिति सादनं॑

16 श्री रुद्र क्रमः

16.1 श्री रुद्रक्रमः प्रथमो ऽनुवाकः

ओं नमो भगवते रुद्राय

ओं ॥ नमस्ते	ते रुद्र
रुद्र मन्यवे >	मन्यव उतो
उतो ते >	उतो इत्युतो
त इषवे	इषवे नमः
नम इति नमः	नमस्ते
ते अस्तु	अस्तु धन्वने
धन्वने बाहुभ्यां >	बाहुभ्यामुत
बाहुभ्यामिति बाहु - भ्यां >	उत ते >
ते नमः	नम इति नमः
या ते >	त इषुः
इषुशिवतमा	शिवतमा शिवं
शिवतमेति शिव - तमा >	शिवं बभूव
बभूव ते	ते धनुः
धनुरिति धनुः	शिवा शरव्या >
शरव्या या	या तव

तव॑ तया॑ >	तया॑ नः
नो॑ रु॒द्र	रु॒द्र मृ॒डय
मृ॒डयेति॑ मृ॒डय	या ते॑ >
ते॑ रु॒द्र	रु॒द्र शि॒वा
शि॒वा तनूः॑	तनू॑रघो॒रा
अघो॑रा ऽपा॒पका॑शिनी	अपा॑पका॒शिनीत्य॑पा॒प - का॑शिनी>
तया॑ नः	नस्त॑नुवा॑ >
तनु॑वा श॒न्तम॑या	श॒न्तम॑या गि॒रिश॑न्त
श॒न्तम॑येति॑ शं - त॒मया॑ >	गि॒रिश॑न्ताभि
गि॒रिश॑न्तेति॑ गि॒रि-श॑न्त	अभि॑चाक॒शीहि
चाक॑शीहीति॑ चाक॒शीहि	यामि॑षुं >
इषुं॑ गि॒रिश॑न्त	गि॒रिश॑न्त ह॒स्ते >
गि॒रिश॑न्तेति॑ गि॒रि - श॑न्त	ह॒स्ते बि॒भर्षि॑
बि॒भर्ष्य॑स्तवे	अस्त॑व इत्य॑स्तवे
शि॒वां गि॒रित्र॑	गि॒रित्र॑ तां
गि॒रित्रेति॑ गि॒रि - त्र॑	तां कुरु॑
कुरु॑ मा	मा हि॑सीः
हि॑सीः पु॒रुषं॑	पु॒रुषं॑ जगत्
जग॑दिति॑ जगत्	शि॒वेन॑ वच॒सा

वचसा त्वा	त्वा गिरिश
गिरिशाच्छ	अच्छावदामसि
वदामसीति वदामसि	यथा नः
नः सर्वं >	सर्वमित्
इज्जगत्	जगदयक्ष्मं
अयक्ष्मं सुमनाः >	सुमना असत्
सुमना इति सु - मनाः >	असदित्यसत्
अद्ध्यवोचत्	अवोचदधिवक्ता
अधिवक्ता प्रथमः	अधिवक्तेत्यधि - वक्ता
प्रथमो दैव्यः	दैव्यो भिषक्
भिषगिति भिषक्	अहीश्च
च सर्वान्	सर्वान् जंभयन्
जंभयन् सर्वः >	सर्वाश्च
च यातुधान्यः	यातुधान्य इति यातु - धान्यः
असौ यः	यस्ताम्रः
ताम्रो अरुणः	अरुण उत
उत बभ्रुः	बभ्रुः सुमङ्गलः
सुमङ्गल इति सु-मङ्गलः	ये च

चे॒मां	इ॒माꣳ रु॒द्राः
रु॒द्रा अ॒भितः॑	अ॒भितो॑ दि॒क्षु
दि॒क्षु श्रि॒ताः	श्रि॒ताः स॒हस्र॑शः
स॒हस्र॑शोꣳव	स॒हस्र॑श इति स॒हस्र - शः
अ॒वैषां	ए॒षाꣳ हे॒डः
हे॒ड ई॒महे	ई॒मह इ॒तीम॑हे
अ॒सौ यः	योꣳव॑स॒र्पति॑
अ॒वस॑र्पति नी॒लग्री॑वः	अ॒वस॑र्पतीत्य॒व - स॑र्पति
नी॒लग्री॑वो वि॒लोहितः॑	नी॒लग्री॑व इति नी॒ल - ग्री॑वः
वि॒लोहित॑ इति वि - लो॒हितः	उ॒तैनं॑ >
ए॒नं गो॒पाः	गो॒पा अ॒दृश॑न्
गो॒पा इति॑ गो-पाः	अ॒दृश॑न् अ॒दृश॑न्
अ॒दृश॑न्नुद॒हार्यः॑	उ॒दहार्य॑ इत्युद-॒हार्यः
उ॒तैनं॑ >	ए॒नं वि॒श्वा >
वि॒श्वा भू॒तानि॑	भू॒तानि॑ सः
स दृ॒ष्टः	दृ॒ष्टो मृ॒डया॑ति
मृ॒डया॑ति नः	न इति॑ नः
नमो॑ अस्तु	अस्तु॑ नी॒लग्री॑वाय

नी॒लग्री॒वाय॑ सह॒स्रा॒क्षाय॑	नी॒लग्री॒वाये॑ति नी॒ल - ग्री॒वाय॑
सह॒स्रा॒क्षाय॑ मी॒ढु॒षे >	सह॒स्रा॒क्षाये॑ति सह॒स्र - अ॒क्षाय॑
मी॒ढु॒ष इति॑ मी॒ढु॒षे >	अथो॒ ये
अथो॒ इत्यथो॑ >	ये अस्य॑
अस्य॑ स॒त्वानः॑	स॒त्वानो॑ऽहं
अह॒न्तेभ्यः॑	तेभ्यो॑ऽकरं
अकर॒न्नमः॑	नम॑ इति॑ नमः॑
प्रमु॒ञ्च	मु॒ञ्च ध॒न्वनः॑
ध॒न्वन॒स्त्वं	त्वमु॒भयोः॑ >
उ॒भयो॒रार्नि॒योः	आ॒र्नि॒योर्ज्यां॑
ज्या॒मिति॑ ज्यां॑	याश्च॑
च ते॑ >	ते ह॒स्ते >
ह॒स्त इ॒षवः॑	इ॒षवः॑ परा॑ >
परा॑ ताः॑	ता भगवः॑
भगवो॑ वप॑	भगव॑ इति॑ भग॑ - वः॑
वपे॑ति वप॑	अ॒वत॑त्य ध॒नुः
अ॒वत॑त्येत्यव॑ - त॒त्य	ध॒नुस्त्वं
त्व॑ सह॒स्राक्ष॑	सह॒स्राक्ष॑ श॒तेषु॑धे

सहस्राक्षेति सहस्र - अक्ष	शतेषुध इति शत - इषुधे >
निशीर्य शल्यानां >	निशीर्येति नि - शीर्य
शल्यानां मुखा >	मुखा शिवः
शिवो नः	नः सुमनाः >
सुमना भव	सुमना इति सु - मनाः >
भवेति भव	विज्यं धनुः
विज्यमिति वि - ज्यं >	धनुः कपर्दिनः
कपर्दिनो विशल्यः	विशल्यो बाणवान्
विशल्य इति वि - शल्यः	बाणवाꣳ उत
बाणवानिति बाण - वान्	उतेत्युत
अनेशन्नस्य	अस्येषवः
इषवः आभुः	आभुरस्य
अस्य निषङ्गथिः	निषङ्गथिरिति निषङ्गथिः
या ते >	ते हेतिः
हेतिर्मीढुष्टम	मीढुष्टम हस्ते >
मीढुष्टमेति मीढुः - तम	हस्ते बभूव
बभूव ते	ते धनुः
धनुरिति धनुः	तयाऽस्मान्
अस्मान् विश्वतः	विश्वतस्त्वं

त्वमयक्ष्मया >	अयक्ष्मया परि
परिब्भुज	भुजेति भुज
नमस्ते	ते अस्तु
अस्त्वायुधाय	आयुधायानातताय
अनातताय धृष्णवे >	अनाततायेत्यना - तताय
धृष्णव इति धृष्णवे >	उभाभ्यामुत
उत ते >	ते नमः
नमो बाहुभ्यां >	बाहुभ्यान्तव
बाहुभ्यामिति बाहु - भ्यां >	तव धन्वने
धन्वन इति धन्वने	परि ते
ते धन्वनः	धन्वनो हेतिः
हेतिरस्मान्	अस्मान् वृणक्तु
वृणक्तु विश्वतः	विश्वत इति विश्वतः
अथो यः	अथो इत्यथो >
य इषुधिः	इषुधिस्तव
इषुधिरितीषु - धिः	तवारे
आरे अस्मत्	अस्मन्नि
निधेहि	धेहि तं

तमिति॒ तं	
-----------	--

16.2 श्री रुद्रक्रमः-द्वितीयो ऽनुवाकः

न॒मो हिर॑ण्यबा॒हवे	हिर॑ण्यबा॒हवे से॒नान्ये॑ >
हिर॑ण्यबा॒हव इति॑ हिर॑ण्य - बा॒हवे >	से॒नान्ये॑ दि॒शां
से॒नान्ये॑ इति॑ से॒ना - न्ये॑ >	दि॒शाञ्च
च॒ पत॑ये	पत॑ये नमः
न॒मो नमः॑	न॒मो वृ॒क्षेभ्यः॑
वृ॒क्षेभ्यो॑ हरि॑केशेभ्यः	हरि॑केशेभ्यः प॒शूनां॑
हरि॑केशेभ्य इति॑ हरि॑ - के॒शेभ्यः॑	प॒शूनां॑ पत॑ये
पत॑ये नमः	न॒मो नमः॑
नमः॑ स॒स्पिञ्ज॑राय	स॒स्पिञ्ज॑राय त्वि॒षीम॑ते
त्वि॒षीम॑ते प॒थीनां॑	त्वि॒षीम॑त इति॑ त्वि॒षि - म॑ते >
प॒थीनां॑ पत॑ये	पत॑ये नमः
न॒मो नमः॑	न॒मो ब॒भ्लु॒शाय॑
ब॒भ्लु॒शाय॑ वि॒व्याधि॑ने >	वि॒व्याधि॑ने ऽन्ना॒नां
वि॒व्याधि॑न इति॑ वि॒ - व्या॑धिने >	अन्ना॒नां पत॑ये
पत॑ये नमः	न॒मो नमः॑

नमो॑ हरिकेशाय॑	हरिकेशायोपवीतिने॑ >
हरिकेशायेति॑ हरि॑ - केशाय॑	उपवीतिने॑ पुष्टानां॑ >
उपवीतिन॑ इत्युप॑ - वीतिने॑ >	पुष्टानां॑ पतये॑
पतये॑ नमः॑	नमो॑ नमः॑
नमो॑ भवस्य॑	भवस्य॑ हेत्यै॑
हेत्यै॑ जगतां॑	जगतां॑ पतये॑
पतये॑ नमः॑	नमो॑ नमः॑
नमो॑ रुद्राय॑	रुद्रायातताविने॑ >
आतताविने॑ क्षेत्राणां॑	आतताविन॑ इत्या॑ - तताविने॑ >
क्षेत्राणां॑ पतये॑	पतये॑ नमः॑
नमो॑ नमः॑	नमः॑ सूताय॑
सूतायाहन्त्याय॑	अहन्त्याय॑ वनानां॑
वनानां॑ पतये॑	पतये॑ नमः॑
नमो॑ नमः॑	नमो॑ रोहिताय॑
रोहिताय॑ स्थपतये॑	स्थपतये॑ वृक्षाणां॑ >
वृक्षाणां॑ पतये॑	पतये॑ नमः॑
नमो॑ नमः॑	नमो॑ मन्त्रिणे॑ >

मन्त्रि॑णे वा॒णिजा॑य	वा॒णिजा॑य क॒क्षाणां॑
क॒क्षाणां॑ पतये	पतये॑ नमः
नमो॑ नमः	नमो॑ भुव॒न्तये॑ >
भुव॒न्तये॑ वा॒रिव॑स्कृ॒ताय॑	वा॒रिव॑स्कृ॒तायौष॑धीनां
वा॒रिव॑स्कृ॒तायेति॑ वा॒रिवः॑ – कृ॒ताय॑	ओष॑धीनां पतये
पतये॑ नमः	नमो॑ नमः
नम॑ उ॒च्चैर्घो॑षाय	उ॒च्चैर्घो॑षायाक्र॒न्दय॑ते
उ॒च्चैर्घो॑षायेत्यु॒च्चैः॑ – घो॒षाय॑	आक्र॒न्दय॑ते प॒त्तीनां॑
आक्र॒न्दय॑त इत्या॑ – क्र॒न्दय॑ते	प॒त्तीनां॑ पतये
पतये॑ नमः	नमो॑ नमः
नमः॑ कृ॒थ्स॒न्वीता॑य	कृ॒थ्स॒न्वीता॑य धाव॑ते
कृ॒थ्स॒न्वीता॑येति॑ कृ॒थ्स॒न् – वी॒ताय॑	धाव॑ते स॒त्त्वनां॑
स॒त्त्वनां॑ पतये	पतये॑ नमः
नम॑ इति॑ नमः	

16.3 श्री रुद्रक्रमः-तृतीयो ऽनुवाकः

नमः॑ सह॒मानाय॑	सह॒मानाय॑ नि॒व्याधि॑नै >
नि॒व्याधि॑न आ॒व्याधि॑नीनां	नि॒व्याधि॑न इति॑ नि – व्या॒धि॒नै॑ >
आ॒व्याधि॑नीनां पतये	आ॒व्याधि॑नीना॒मित्या॑ – व्या॒धि॒नीनां॑

प॒तये॑ न॒मः	न॒मो न॒मः
न॒मः क॒कु॒भाय॑	क॒कु॒भाय॑ नि॒षङ्गि॑णे >
नि॒षङ्गि॑णे स्ते॒नानां॑ >	नि॒षङ्गि॑ण इति॑ नि - स॒ङ्गि॑ने >
स्ते॒नानां॑ प॒तये॑	प॒तये॑ न॒मः
न॒मो न॒मः	न॒मो नि॒षङ्गि॑णे >
नि॒षङ्गि॑ण इ॒षुधि॑मते >	नि॒षङ्गि॑ण इति॑ नि - स॒ङ्गि॑ने >
इ॒षुधि॑मते त॒स्करा॑णां	इ॒षुधि॑मत इ॒तीषु॑धि - म॒ते >
त॒स्करा॑णां प॒तये॑	प॒तये॑ न॒मः
न॒मो न॒मः	न॒मो व॒ञ्च॑ते
व॒ञ्च॑ते प॒रिव॒ञ्च॑ते	प॒रिव॒ञ्च॑ते स्ता॒यूनां॑
प॒रिव॒ञ्च॑त इति॑ प॒रि - व॒ञ्च॑ते	स्ता॒यूनां॑ प॒तये॑
प॒तये॑ न॒मः	न॒मो न॒मः
न॒मो नि॒चेर॑वे >	नि॒चेर॑वे प॒रिच॑राय॑
नि॒चेर॑व इति॑ नि - चे॒रवे॑ >	प॒रिच॑राया॒रण्या॑नां
प॒रिच॑रायेति॑ प॒रि - च॑राय॑	अ॒रण्या॑नां प॒तये॑
प॒तये॑ न॒मः	न॒मो न॒मः
न॒मः सृ॒कावि॑भ्यः	सृ॒कावि॑भ्यो जि॒घाञ्स॑द्भ्यः

सृ॒का॒वि॒भ्य॒ इति॑ सृ॒का॒वि॒ - भ्यः॒	जि॒घा॒ँस॒द्भ्यो॑ मु॒ष्णा॒तां
जि॒घा॒ँस॒द्भ्य॒ इति॑ जि॒घा॒ँस॒त्-भ्यः॒	मु॒ष्णा॒तां प॒तये॑
प॒तये॑ नमः॒	नमो॑ नमः॒
नमो॑ऽसि॒मद्भ्यः॑	अ॒सि॒मद्भ्यो॑ न॒क्तं >
अ॒सि॒मद्भ्य॒ इत्य॑सि॒मत् - भ्यः॒	न॒क्तञ्च॑र॒द्भ्यः॑
च॒रद्भ्यः॑ प्र॒कृ॒न्ता॒नां >	च॒रद्भ्य॒ इति॑ च॒रत् - भ्यः॒
प्र॒कृ॒न्ता॒नां प॒तये॑	प्र॒कृ॒न्ता॒नामि॒ति प्र॒ - कृ॒न्ता॒नां >
प॒तये॑ नमः॒	नमो॑ नमः॒
नम॑ उ॒ष्णी॒षिणो॑ >	उ॒ष्णी॒षिणो॑ गि॒रि॒च॒राय॑
गि॒रि॒च॒राय॑ कु॒लुञ्चा॒नां >	गि॒रि॒च॒राये॒ति गि॒रि॒ - च॒राय॑
कु॒लुञ्चा॒नां प॒तये॑	प॒तये॑ नमः॒
नमो॑ नमः॒	नम॑ इ॒षुम॑द्भ्यः॒
इ॒षुम॑द्भ्यो॒ धन्वा॑वि॒भ्यः॑	इ॒षुम॑द्भ्य॒ इती॑षु॒मत् - भ्यः॒
धन्वा॑वि॒भ्यश्च॑	धन्वा॑वि॒भ्य॒ इति॑ धन्वा॑वि॒ - भ्यः॒
च॒ वः॒	वो॑ नमः॒
नमो॑ नमः॒	नम॑ आ॒तन्वा॑ने॒भ्यः॑
आ॒तन्वा॑ने॒भ्यः॑ प्र॒ति॒द॒धा॒ने॒भ्यः॑	आ॒तन्वा॑ने॒भ्य॒ इत्या॑ - तन्वा॑ने॒भ्यः॑

प्र॒ति॒द॒धा॒ने॒भ्यश्च॑	प्र॒ति॒द॒धा॒ने॒भ्य इति॑ प्र॒ति – द॒धा॒ने॒भ्यः॑
च॒ वः॑	वो॒ नमः॑
नमो॑ नमः॑	नम॑ आ॒य॒च्छद्भ्यः॑
आ॒य॒च्छद्भ्यो॑ वि॒सृ॒जद्भ्यः॑	आ॒य॒च्छद्भ्य इत्या॑यच्छत् – भ्यः॑
वि॒सृ॒जद्भ्यश्च॑	वि॒सृ॒जद्भ्य इति॑ वि॒सृ॒जत् – भ्यः॑
च॒ वः॑	वो॒ नमः॑
नमो॑ नमः॑	नमो॑ऽस्यद्भ्यः॑
अ॒स्यद्भ्यो॑ वि॒द्ध्यद्भ्यः॑	अ॒स्यद्भ्य इत्य॑स्यत् – भ्यः॑
वि॒द्ध्यद्भ्यश्च॑	वि॒द्ध्यद्भ्य इति॑ वि॒द्ध्यत् – भ्यः॑
च॒ वः॑	वो॒ नमः॑
नमो॑ नमः॑	नम॑ आ॒सी॒ने॒भ्यः॑
आ॒सी॒ने॒भ्यः॑ श॒या॒ने॒भ्यः॑	श॒या॒ने॒भ्यश्च॑
च॒ वः॑	वो॒ नमः॑
नमो॑ नमः॑	नमः॑ स्व॒पद्भ्यः॑
स्व॒पद्भ्यो॑ जा॒ग्रद्भ्यः॑	स्व॒पद्भ्य इति॑ स्व॒पत् – भ्यः॑
जा॒ग्रद्भ्यश्च॑	जा॒ग्रद्भ्य इति॑ जा॒ग्रत् – भ्यः॑
च॒ वः॑	वो॒ नमः॑

न॒मो न॒मः	न॒मस्तिष्ठ॑द्भ्यः
तिष्ठ॑द्भ्यो धा॒वद्भ्यः	तिष्ठ॑द्भ्य इति तिष्ठ॑त् - भ्यः
धा॒वद्भ्यश्च	धा॒वद्भ्य इति धा॒वत् - भ्यः
च वः	वो न॒मः
न॒मो न॒मः	न॒मः स॒भाभ्यः
स॒भाभ्यः स॒भाप॑तिभ्यः	स॒भाप॑तिभ्यश्च
स॒भाप॑तिभ्य इति स॒भाप॑ति - भ्यः	च वः
वो न॒मः	न॒मो न॒मः
न॒मो अ॒श्वेभ्यः	अ॒श्वेभ्योऽश्व॑पतिभ्यः
अ॒श्वप॑तिभ्यश्च	अ॒श्वप॑तिभ्य इत्यश्व॑पति - भ्यः
च वः	वो न॒मः
न॒म इति न॒मः	

16.4 श्री रुद्रक्रमः - चतुर्थोऽनुवाकः

न॒म आ॒व्याधि॑नीभ्यः	आ॒व्याधि॑नीभ्यो वि॒विद्ध्य॑न्तीभ्यः
आ॒व्याधि॑नीभ्य इत्या - व्या॑धिनीभ्यः	वि॒विद्ध्य॑न्तीभ्यश्च
वि॒विद्ध्य॑न्तीभ्य इति वि -	
वि॒द्ध्य॑न्तीभ्यः	च वः
वो न॒मः	न॒मो न॒मः

नम॒ उ॒ग॒णा॒भ्यः॑	उ॒ग॒णा॒भ्यस्तृ॒ह॒ती॒भ्यः॑
तृ॒ह॒ती॒भ्यश्च॑	च॒ वः॑
वो॒ नमः॑	नमो॒ नमः॑
नमो॒ गृ॒थ्स॑े॒भ्यः॑	गृ॒थ्स॑े॒भ्यो॒ गृ॒थ्स॑पति॒भ्यः॑
गृ॒थ्स॑पति॒भ्यश्च॑	गृ॒थ्स॑पति॒भ्य इति॑ गृ॒थ्स॑पति॒ – भ्यः॑
च॒ वः॑	वो॒ नमः॑
नमो॒ नमः॑	नमो॒ ब्रा॒त॑े॒भ्यः॑
ब्रा॒त॑े॒भ्यो॒ ब्रा॒त॑पति॒भ्यः॑	ब्रा॒त॑पति॒भ्यश्च॑
ब्रा॒त॑पति॒भ्य इति॑ ब्रा॒त॑पति॒ – भ्यः॑	च॒ वः॑
वो॒ नमः॑	नमो॒ नमः॑
नमो॒ ग॒ण॑े॒भ्यः॑	ग॒ण॑े॒भ्यो॒ ग॒ण॑पति॒भ्यः॑
ग॒ण॑पति॒भ्यश्च॑	ग॒ण॑पति॒भ्य इति॑ ग॒ण॑पति॒ – भ्यः॑
च॒ वः॑	वो॒ नमः॑
नमो॒ नमः॑	नमो॒ वि॒रू॒पे॒भ्यः॑
वि॒रू॒पे॒भ्यो॒ वि॒श्व॑रू॒पे॒भ्यः॑	वि॒रू॒पे॒भ्य इति॑ वि॒ – रू॒पे॒भ्यः॑
वि॒श्व॑रू॒पे॒भ्यश्च॑	वि॒श्व॑रू॒पे॒भ्य इति॑ वि॒श्व – रू॒पे॒भ्यः॑
च॒ वः॑	वो॒ नमः॑

नमो॑ नमः॑	नमो॑ महद्भ्यः॑
महद्भ्यः॑ क्षुल्लके॑भ्यः	महद्भ्य॑ इति॑ महत् - भ्यः॑
क्षुल्लके॑भ्यश्च	च वः॑
वो॑ नमः॑	नमो॑ नमः॑
नमो॑ रथिभ्यः॑	रथिभ्यो॑ ऽरथेभ्यः॑
रथिभ्य॑ इति॑ रथि - भ्यः॑	अरथेभ्यश्च॑
च वः॑	वो॑ नमः॑
नमो॑ नमः॑	नमो॑ रथेभ्यः॑
रथेभ्यो॑ रथपति॑भ्यः	रथपतिभ्यश्च॑
रथपतिभ्य॑ इति॑ रथपति - भ्यः॑	च वः॑
वो॑ नमः॑	नमो॑ नमः॑
नमः॑ सेनाभ्यः॑	सेनाभ्यः॑ सेनानि॑भ्यः
सेनानि॑भ्यश्च	सेनानिभ्य॑ इति॑ सेनानि - भ्यः॑
च वः॑	वो॑ नमः॑
नमो॑ नमः॑	नमः॑ क्षत्तृभ्यः॑
क्षत्तृभ्यः॑ सङ्ग्रहीतृ॑भ्यः	क्षत्तृभ्यः॑ इति॑ क्षत्तृ - भ्यः॑
सङ्ग्रहीतृ॑भ्यश्च	सङ्ग्रहीतृभ्य॑ इति॑ सङ्ग्रहीतृ - भ्यः॑

च॒ वः	वो॒ नमः
नमो॑ नमः	नमस्तक्ष॑भ्यः
तक्ष॑भ्यो रथ॑कारेभ्यः	तक्ष॑भ्य इति॑ तक्ष॑ - भ्यः
रथ॑कारेभ्यश्च	रथ॑कारेभ्य इति॑ रथ॑ - कारेभ्यः
च॒ वः	वो॒ नमः
नमो॑ नमः	नमः॑ कुलाले॑भ्यः
कुलाले॑भ्यः कम॑रिभ्यः	कम॑रिभ्यश्च
च॒ वः	वो॒ नमः
नमो॑ नमः	नमः॑ पु॒ञ्जिष्टे॑भ्यः
पु॒ञ्जिष्टे॑भ्यो निषा॑देभ्यः	निषा॑देभ्यश्च
च॒ वः	वो॒ नमः
नमो॑ नमः	नम॑ इषु॒कृद्भ्यः
इषु॒कृद्भ्यो धन्व॑कृद्भ्यः	इषु॒कृद्भ्य इति॑ इषु॒कृत् - भ्यः
धन्व॑कृद्भ्यश्च	धन्व॑कृद्भ्य इति॑ धन्व॑कृत् - भ्यः
च॒ वः	वो॒ नमः
नमो॑ नमः	नमो॑ मृ॒गयु॑भ्यः
मृ॒गयु॑भ्यः श्वनि॑भ्यः	मृ॒गयु॑भ्य इति॑ मृ॒गयु॑ - भ्यः

श्व॒नि॒भ्यश्च॑	श्व॒नि॒भ्य इति॑ श्व॒नि – भ्यः॑
च॒ वः॑	वो॒ नमः॑
नमो॑ नमः॑	नमः॑ श्व॒भ्यः॑
श्व॒भ्य इ॒श्वपति॑भ्यः	श्व॒भ्यः इति॑ श्व – भ्यः॑
श्व॒पति॑भ्यश्च	श्व॒पति॑भ्य इति॑ श्व॒पति – भ्यः॑
च॒ वः॑	वो॒ नमः॑
नम॑ इति॑ नमः॑	

16.5 श्री रुद्रक्रमः पञ्चमो ऽनुवाकः

नमो॑ भ॒वाय॑	भ॒वाय॑ च
च॒ रु॒द्राय॑	रु॒द्राय॑ च
च॒ नमः॑	नम॑श्श॒र्वाय॑
श॒र्वाय॑ च	च॒ प॒शुप॑तये
प॒शुप॑तये च	प॒शुप॑तय॒ इति॑ प॒शु – प॑तये
च॒ नमः॑	नमो॑ नी॒लग्री॑वाय
नी॒लग्री॑वाय च	नी॒लग्री॑वायेति॒ नील॑ – ग्री॒वाय॑
च॒ शि॒तिक॑ण्ठाय	शि॒तिक॑ण्ठाय च
शि॒तिक॑ण्ठायेति॒ शिति॑ – क॒ण्ठाय॑	च॒ नमः॑
नमः॑ क॒प॒र्दिने॑ >	क॒प॒र्दिने॑ च

च व्यु॒प्त॒केशाय॑	व्यु॒प्त॒केशाय॑ च
व्यु॒प्त॒केशा॒येति॑ व्यु॒प्त - के॒शाय॑	च नमः॑
नमः॑ सह॒स्राक्षाय॑	सह॒स्राक्षाय॑ च
सह॒स्राक्षाय॑ेति॑ सह॒स्र - अ॒क्षाय॑	च श॒तध॒न्वने॑
श॒तध॒न्वने॑ च	श॒तध॒न्वन॑ इति॑ श॒त - ध॒न्वने॑ >
च नमः॑	नमो॑ गि॒रिशाय॑
गि॒रिशाय॑ च	च शि॒पिवि॒ष्टाय॑
शि॒पिवि॒ष्टाय॑ च	शि॒पिवि॒ष्टाय॑ेति॑ शि॒पि - वि॒ष्टाय॑
च नमः॑	नमो॑ मी॒ढुष्ट॑माय
मी॒ढुष्ट॑माय च	मी॒ढुष्ट॑मा॒येति॑ मी॒ढुः - त॒माय॑
चे॒षुम॑ते	इ॒षुम॑ते च
इ॒षुम॑त इती॒षु - म॑ते >	च नमः॑
नमो॑ ह्र॒स्वाय॑	ह्र॒स्वाय॑ च
च वा॒मनाय॑	वा॒मनाय॑ च
च नमः॑	नमो॑ बृ॒हते॑
बृ॒हते॑ च	च वर्॒षीय॑से
वर्॒षीय॑से च	च नमः॑

नमो॑ वृ॒द्धाय॑	वृ॒द्धाय॑ च
च॒ सम्॑वृ॒द्ध्वने॑	सम्॑वृ॒द्ध्वने॑ च
सम्॑वृ॒द्ध्वन॑ इति॒ सं - वृ॒द्ध्वने॑	च॒ नमः॑
नमो॑ अ॒ग्रियाय॑	अ॒ग्रियाय॑ च
च॒ प्र॒थमाय॑	प्र॒थमाय॑ च
च॒ नमः॑	नम॑ आ॒शवे॑ >
आ॒शवे॑ च	चा॒जिराय॑
अ॒जिराय॑ च	च॒ नमः॑
नमः॑ शी॒घ्रियाय॑	शी॒घ्रियाय॑ च
च॒ शी॒भ्याय॑	शी॒भ्याय॑ च
च॒ नमः॑	नम॑ ऊ॒र्म्याय॑
ऊ॒र्म्याय॑ च	चा॒वस्व॒न्याय॑
अ॒वस्व॒न्याय॑ च	अ॒वस्व॒न्याये॒त्यव॑ - स्व॒न्याय॑
च॒ नमः॑	नमः॑ स्रो॒तस्याय॑
स्रो॒तस्याय॑ च	च॒ द्वी॒प्याय॑
द्वी॒प्याय॑ च	चेति॑ च

16.6 श्री रुद्रक्रमः – षष्ठो ऽनुवाकः

नमो॑ ज्ये॒ष्ठाय॑	ज्ये॒ष्ठाय॑ च
------------------	---------------

च॒ क॒नि॒ष्ठा॒य॒	क॒नि॒ष्ठा॒य॒ च॒
च॒ नमः॑	नमः॑ पू॒र्व॒जा॒य॒
पू॒र्व॒जा॒य॒ च॒	पू॒र्व॒जा॒ये॒ति॒ पू॒र्व॒ – जा॒य॒
चा॒प॒र॒जा॒य॒	अ॒प॒र॒जा॒य॒ च॒
अ॒प॒र॒जा॒ये॒त्य॒प॒र॒ – जा॒य॒	च॒ नमः॑
नमो॑ म॒द्ध्य॒मा॒य॒	म॒द्ध्य॒मा॒य॒ च॒
चा॒प॒ग॒ल्भा॒य॒	अ॒प॒ग॒ल्भा॒य॒ च॒
अ॒प॒ग॒ल्भा॒ये॒त्य॒प॒ – ग॒ल्भा॒य॒	च॒ नमः॑
नमो॑ ज॒घ॒न्या॒य॒	ज॒घ॒न्या॒य॒ च॒
च॒ बु॒द्धि॒न्या॒य॒	बु॒द्धि॒न्या॒य॒ च॒
च॒ नमः॑	नम॑स्सो॒भ्या॒य॒
सो॒भ्या॒य॒ च॒	च॒ प्र॒ति॒स॒र्या॒य॒
प्र॒ति॒स॒र्या॒य॒ च॒	प्र॒ति॒स॒र्या॒ये॒ति॒ प्र॒ति॒ – स॒र्या॒य॒
च॒ नमः॑	नमो॑ या॒म्या॒य॒
या॒म्या॒य॒ च॒	च॒ क्षे॒म्या॒य॒
क्षे॒म्या॒य॒ च॒	च॒ नमः॑
नम॑ उ॒र्व॒र्या॒य॒	उ॒र्व॒र्या॒य॒ च॒

च॒ ख॒ल्याय॑	ख॒ल्याय॑ च
च॒ नमः॑	नमः॑ इ॒लोक्याय॑
इ॒लोक्याय॑ च	चा॒वसा॒न्याय॑
अ॒वसा॒न्याय॑ च	अ॒वसा॒न्याये॒त्यव॑ – सा॒न्याय॑
च॒ नमः॑	नमो॑ व॒न्याय॑
व॒न्याय॑ च	च॒ कक्ष्याय॑
कक्ष्याय॑ च	च॒ नमः॑
नमः॑ श्र॒वाय॑	श्र॒वाय॑ च
च॒ प्र॒तिश्र॒वाय॑	प्र॒तिश्र॒वाय॑ च
प्र॒तिश्र॒वाये॒ति प्र॒ति – श्र॒वाय॑	च॒ नमः॑
नम॑ आ॒शुषे॒णाय॑	आ॒शुषे॒णाय॑ च
आ॒शुषे॒णाय॑ये॒त्याशु॑ – से॒नाय॑	चा॒शुर॒थाय॑
आ॒शुर॒थाय॑ च	आ॒शुर॒थाये॒त्याशु॑ – र॒थाय॑
च॒ नमः॑	नमः॑ शू॒राय॑
शू॒राय॑ च	चा॒वभि॒न्दते॑
अ॒वभि॒न्दते॑ च	अ॒वभि॒न्दत॑ इ॒त्यव॑ – भि॒न्दते॑
च॒ नमः॑	नमो॑ वर्मि॒णै >

व॒र्मि॒णे॑ च	च॒ व॒रू॒थि॒ने॑ >
व॒रू॒थि॒ने॑ च	च॒ नमः॑
नमो॑ बि॒ल्मि॒ने॑ >	बि॒ल्मि॒ने॑ च
च॒ क॒व॒चि॒ने॑ >	क॒व॒चि॒ने॑ च
च॒ नमः॑	नमः॑ श्रु॒ताय॑
श्रु॒ताय॑ च	च॒ श्रु॒त॒से॒नाय॑
श्रु॒त॒से॒नाय॑ च	श्रु॒त॒से॒नाये॑ति श्रु॒त - से॒नाय॑
चे॒ति॑ च	

16.7 श्री रुद्रक्रमः – सप्तमो ऽनुवाकः

नमो॑ दु॒न्दु॒भ्याय॑	दु॒न्दु॒भ्याय॑ च
चा॒ह॒न॒न्याय॑	आ॒ह॒न॒न्याय॑ च
आ॒ह॒न॒न्याये॑त्या - ह॒न॒न्याय॑	च॒ नमः॑
नमो॑ धृ॒ष्ण॒वे॑	धृ॒ष्ण॒वे॑ च
च॒ प्र॒मृ॒शाय॑	प्र॒मृ॒शाय॑ च
प्र॒मृ॒शाये॑ति प्र - मृ॒शाय॑	च॒ नमः॑
नमो॑ दू॒ताय॑	दू॒ताय॑ च
च॒ प्र॒हि॒ताय॑	प्र॒हि॒ताय॑ च

प्रहि॒ता॒येति॒ प्र - हि॒ता॒य	च॒ नमः॑
नमो॑ नि॒षङ्गि॑णे >	नि॒षङ्गि॑णे च
नि॒षङ्गि॑ण इति॒ नि - सङ्गि॑ने >	चे॒षु॒धि॒मते॑ >
इ॒षु॒धि॒मते॑ च	इ॒षु॒धि॒मत॑ इती॒षु॒धि - मते॑ >
च॒ नमः॑	नम॑ स्ती॒क्ष्णेष॑वे
ती॒क्ष्णेष॑वे च	ती॒क्ष्णेष॑व इति॒ ती॒क्ष्ण - इ॒षवे॑ >
चा॒यु॒धि॒ने॑ >	आ॒यु॒धि॒ने॑ च
च॒ नमः॑	नमः॑ स्वा॒यु॒धाय॑
स्वा॒यु॒धाय॑ च	स्वा॒यु॒धायेति॑ सु - आ॒यु॒धाय॑
च॒ सु॒धन्व॑ने	सु॒धन्व॑ने च
सु॒धन्व॑न इति॒ सु - धन्व॑ने	च॒ नमः॑
नम॑स्सु॒त्याय॑	सु॒त्याय॑ च
च॒ प॒थ्याय॑	प॒थ्याय॑ च
च॒ नमः॑	नमः॑ का॒ट्याय॑
का॒ट्याय॑ च	च॒ नी॒प्याय॑
नी॒प्याय॑ च	च॒ नमः॑
नमः॑ सू॒द्याय॑	सू॒द्याय॑ च

च॒ सर॒स्याय॑	सर॒स्याय॑ च
च॒ नमः॑	नमो॑ ना॒द्याय॑
ना॒द्याय॑ च	च॒ वैश॒न्ताय॑
वैश॒न्ताय॑ च	च॒ नमः॑
नमः॑ कू॒प्याय॑	कू॒प्याय॑ च
चाव॒त्याय॑	अव॒त्याय॑ च
च॒ नमः॑	नमो॑ वर्ष्पाय॑
वर्ष्पाय॑ च	चाव॒र्ष्पाय॑
अव॒र्ष्पाय॑ च	च॒ नमः॑
नमो॑ मे॒घ्याय॑	मे॒घ्याय॑ च
च॒ वि॒द्युत्या॑य	वि॒द्युत्या॑य च
वि॒द्युत्या॑येति वि – द्यु॒त्याय॑	च॒ नमः॑
नम॑ ई॒र्द्ध्रया॑य	ई॒र्द्ध्रया॑य च
चात॒प्याय॑	आत॒प्याय॑ च
आत॒प्यायेत्या॑ – त॒प्याय॑	च॒ नमः॑
नमो॑ वा॒त्याय॑	वा॒त्याय॑ च
च॒ रे॒ष्मिया॑य	रे॒ष्मिया॑य च

च॒ नमः॑	नमो॑ वास्त॒व्याय॑
वास्त॒व्याय॑ च	च॒ वास्तु॑पाय
वास्तु॑पाय च	वास्तु॑पायेति॑ वास्तु - पाय॑
चेति॑ च	

16.8 श्री रुद्रक्रमः – अष्टमो ऽनुवाकः

नमः॑ सोमाय॑	सोमाय॑ च
च॒ रुद्राय॑	रुद्राय॑ च
च॒ नमः॑	नमस्ता॒म्राय॑
ता॒म्राय॑ च	चा॒रुणाय॑
अ॒रुणाय॑ च	च॒ नमः॑
नमश्श॒ङ्गाय॑	श॒ङ्गाय॑ च
च॒ पशु॑पतये	पशु॑पतये च
पशु॑पतय॒ इति॑ पशु - पतये	च॒ नमः॑
नम॑ उ॒ग्राय॑	उ॒ग्राय॑ च
च॒ भी॒माय॑	भी॒माय॑ च
च॒ नमः॑	नमो॑ अ॒ग्रेव॑धाय
अ॒ग्रेव॑धाय च	अ॒ग्रेव॑धायेत्य॒ग्रे - व॒धाय॑
च॒ दूरे॑वधाय	दूरे॑वधाय च

दूरे॑व॒धाये॑ति दूरे॑ – व॒धाय॑	च॒ नमः॑
नमो॑ ह॒न्त्रे	ह॒न्त्रे च॑
च॒ हनी॑यसे	हनी॑यसे च
च॒ नमः॑	नमो॑ वृ॒क्षेभ्यः॑
वृ॒क्षेभ्यो॑ हरि॒केशे॑भ्यः	हरि॒केशे॑भ्यो नमः॑
हरि॒केशे॑भ्य इति॑ हरि॑ – के॒शेभ्यः॑	नम॑स्ताराय॑
तारा॑य नमः॑	नमः॑ शं॒भवे॑ >
शं॒भवे च॑	शं॒भव इति॑ शं – भवे॑ >
च॒ मयो॑भवे॑ >	मयो॑भवे च॑
मयो॑भव इति॑ मयः॑ – भवे॑ >	च॒ नमः॑
नम॑श्शङ्क॒राय॑	शङ्क॒राय च॑
शङ्क॒रायेति॑ शं – क॒राय॑	च॒ मय॑स्क॒राय॑
मय॑स्क॒राय च॑	मय॑स्क॒रायेति॑ मयः॑ – क॒राय॑
च॒ नमः॑	नम॑श्शि॒वाय॑
शि॒वाय च॑	च॒ शिव॑तराय॑
शिव॑तराय च॑	शिव॑तरायेति॑ शिव॑ – त॒राय॑
च॒ नमः॑	नम॑स्ती॒र्थ्याय॑

ती॒र्थाय॑ च	च॒ कू॒ल्याय॑
कू॒ल्याय॑ च	च॒ नमः॑
नमः॑ पा॒र्याय॑	पा॒र्याय॑ च
चा॒वा॒र्याय॑	अ॒वा॒र्याय॑ च
च॒ नमः॑	नमः॑ प्र॒तर॒णाय॑
प्र॒तर॒णाय॑ च	प्र॒तर॒णाये॑ति प्र – तर॒णाय॑
चो॒त्तर॒णाय॑	उ॒त्तर॒णाय॑ च
उ॒त्तर॒णाये॑त्युत् – तर॒णाय॑	च॒ नमः॑
नम॑ आ॒ता॒र्याय॑	आ॒ता॒र्याय॑ च
आ॒ता॒र्याये॑त्या – ता॒र्याय॑	चा॒ला॒द्याय॑
आ॒ला॒द्याय॑ च	आ॒ला॒द्याये॑त्या – ला॒द्याय॑
च॒ नमः॑	नमः॑ श॒ष्याय॑
श॒ष्याय॑ च	च॒ फे॒न्याय॑
फे॒न्याय॑ च	च॒ नमः॑
नमः॑ सि॒क॒त्याय॑	सि॒क॒त्याय॑ च
च॒ प्र॒वा॒ह्याय॑	प्र॒वा॒ह्याय॑ च
प्र॒वा॒ह्याये॑ति प्र – वा॒ह्याय॑	चे॒ति च॑

16.9 श्रीरुद्रक्रमः – नवमो ऽनुवाकः

नम॑ इ॒रि॒ण्याय॑	इ॒रि॒ण्याय॑ च
च॒ प्र॒प॒थ्याय॑	प्र॒प॒थ्याय॑ च
प्र॒प॒थ्याये॑ति प्र – प॒थ्याय॑	च॒ नमः॑
नमः॑ कि॒ञ्शिलाय॑	कि॒ञ्शिलाय॑ च
च॒ क्षय॑णाय	क्षय॑णाय च
च॒ नमः॑	नमः॑ क॒प॒र्दि॒ने >
क॒प॒र्दि॒ने च	च॒ पु॒ल॒स्तये॑ >
पु॒ल॒स्तये॑ च	च॒ नमः॑
नमो॑ गो॒ष्ठ्याय॑	गो॒ष्ठ्याय॑ च
गो॒ष्ठ्याये॑ति गो – स्था॒य	च॒ गृ॒ह्याय॑
गृ॒ह्याय॑ च	च॒ नमः॑
नम॑स्त॒ल्प्याय॑	त॒ल्प्याय॑ च
च॒ गे॒ह्याय॑	गे॒ह्याय॑ च
च॒ नमः॑	नमः॑ का॒व्याय॑
का॒व्याय॑ च	च॒ ग॒ह्वरे॑ष्ठाय
ग॒ह्वरे॑ष्ठाय च	ग॒ह्वरे॑ष्ठाय॑ति ग॒ह्वरे – स्था॒य

च॒ नमः॑	नमो॑ हृद॒य्याय॑
हृद॒य्याय॑ च	च॒ निवे॒ष्याय॑
निवे॒ष्याय॑ च	निवे॒ष्यायेति॑ नि - वे॒ष्याय॑
च॒ नमः॑	नमः॑ पा॒ञ्च॒स॒व्याय॑
पा॒ञ्च॒स॒व्याय॑ च	च॒ रज॒स्याय॑
रज॒स्याय॑ च	च॒ नमः॑
नम॑श्शु॒ष्क्याय॑	शु॒ष्क्याय॑ च
च॒ हरि॒त्याय॑	हरि॒त्याय॑ च
च॒ नमः॑	नमो॑ लो॒प्याय॑
लो॒प्याय॑ च	चो॒ल॒प्याय॑
उ॒ल॒प्याय॑ च	च॒ नमः॑
नम॑ ऊ॒र्व्याय॑	ऊ॒र्व्याय॑ च
च॒ सू॒र्म्याय॑	सू॒र्म्याय॑ च
च॒ नमः॑	नमः॑ प॒र्ण्याय॑
प॒र्ण्याय॑ च	च॒ प॒र्ण॑श॒द्याय॑
प॒र्ण॑श॒द्याय॑ च	प॒र्ण॑श॒द्यायेति॑ प॒र्ण - श॒द्याय॑
च॒ नमः॑	नमो॑ऽप॒गु॒रमा॑णाय

अ॒प॒गु॒र॒मा॒णाय॑ च	अ॒प॒गु॒र॒मा॒णाय॑ेत्यप – गु॒र॒मा॒णाय॑
चा॒भि॒घ्न॒ते	अ॒भि॒घ्न॒ते च
अ॒भि॒घ्न॒त इत्य॑भि – घ्न॒ते	च नमः
नम॑ आ॒क्खि॒द॒ते	आ॒क्खि॒द॒ते च
आ॒क्खि॒द॒त इत्या॑ – खि॒द॒ते	च प्र॒क्खि॒द॒ते
प्र॒क्खि॒द॒ते च	प्र॒क्खि॒द॒त इति॑ प्र – खि॒द॒ते
च नमः	नमो॑ वः
वः कि॒रि॒के॒भ्यः	कि॒रि॒के॒भ्यो दे॒वा॒नां >
दे॒वा॒नां हृ॒द॒ये॒भ्यः	हृ॒द॒ये॒भ्यो नमः
नमो॑ वि॒क्षी॒ण॒के॒भ्यः	वि॒क्षी॒ण॒के॒भ्यो नमः
वि॒क्षी॒ण॒के॒भ्य इति॑ वि – क्षी॒ण॒के॒भ्यः	नमो॑ वि॒चि॒न्व॒त्के॒भ्यः
वि॒चि॒न्व॒त्के॒भ्यो नमः	वि॒चि॒न्व॒त्के॒भ्य इति॑ वि – चि॒न्व॒त्के॒भ्यः
नम॑ आ॒नि॒र्ह॒ते॒भ्यः	आ॒नि॒र्ह॒ते॒भ्यो नमः
आ॒नि॒र्ह॒ते॒भ्य इत्या॑निः – ह॒ते॒भ्यः	नम॑ आ॒मी॒व॒त्के॒भ्यः
आ॒मी॒व॒त्के॒भ्य इत्या॑ – मी॒व॒त्के॒भ्यः	

16.10 श्रीरुद्रक्रमः– दशमो ऽनुवाकः

द्रा॒पे अ॒न्धसः॑	अ॒न्धस॑स्पते
प॒ते द॒रिद्र॑त्	द॒रिद्र॑न्नी॒ललो॑हित
नी॒ललो॑हि॒तेति॑ नी॒ल – लो॒हित	ए॒षां पु॒रुषा॑णां
पु॒रुषा॑णामे॒षां	ए॒षां प॒शूनां॑
प॒शूनां॑ मा	मा भेः
भे॒र्मा	मा॒ऽऽः
अ॒रो मो	मो ए॒षां
मो इति॑ मो	ए॒षां किं
किञ्च॑न	च॒ नाम॑मत्
आ॒मम॑दि॒त्या म॑मत्	या ते॑ >
ते रु॒द्र	रु॒द्र शि॒वा
शि॒वा त॒नूः	त॒नूशि॒वा
शि॒वा वि॒श्वाह॑भे॒षजी	वि॒श्वाह॑भे॒षजीति॑ वि॒श्वाह॑ – भे॒षजी >
शि॒वा रु॒द्रस्य॑	रु॒द्रस्य॑ भे॒षजी
भे॒षजी॑ तया॑ >	तया॑ नः
नो मृ॒ड	मृ॒ड जी॒वसे॑ >

जी॒व॒स॒ इति जी॒व॒से >	इ॒मा॒ꣳ रु॒द्राय
रु॒द्राय त॒व॒से >	त॒व॒से क॒प॒र्दि॒ने >
क॒प॒र्दि॒ने क्ष॒य॒द्वी॒राय	क्ष॒य॒द्वी॒राय प्र
क्ष॒य॒द्वी॒रायेति क्ष॒य॒त् - वी॒राय	प्र॒भ॒रा॒म॒हे
भ॒रा॒म॒हे म॒तिं	म॒ति॒मि॒ति म॒तिं
यथा नः	न॒शं
श॒म॒स॒त्	अ॒स॒द् द्वि॒पदे >
द्वि॒पदे चतु॑ष्पदे	द्वि॒पद इति द्वि - पदे >
चतु॑ष्पदे वि॒श्वं >	चतु॑ष्पद इति चतुः - पदे >
वि॒श्वं पु॒ष्टं	पु॒ष्टं ग्रामे >
ग्रामे अ॒स्मिन्	अ॒स्मिन्ना॒तुरं
अ॒ना॒तुर॒मित्य॑ना - तुरं >	मृ॒डा नः
नो रु॒द्र	रु॒द्रो॒त
उ॒त नः	नो म॒यः
म॒य॒स्कृ॒धि	कृ॒धि क्ष॒य॒द्वी॒राय
क्ष॒य॒द्वी॒राय न॒म॒सा	क्ष॒य॒द्वी॒रायेति क्ष॒य॒त् - वी॒राय
न॒म॒सा वि॒धेम	वि॒धेम ते >

त॒ इति॑ ते	यच्छं॑
शञ्च॑	च॒ योः
योश्च॑	च॒ मनुः॑
मनु॑रायजे	आ॒यजे॑ पि॒ता
आ॒यज॑ इत्या॑ – यजे॑	पि॒ता तत्
तद॑श्याम	अ॒श्याम॑ तव॑
तव॑ रुद्र॑	रुद्र॑ प्रणी॒तौ
प्रणी॑ता॒विति॑ प्र – नी॒तौ >	मा नः॑
नो॒ म॒हान्तं॑ >	म॒हान्त॑मु॒त
उ॒त मा॑	मा नः॑
नो॒ अ॒र्भकं॑	अ॒र्भकं॑ मा॑
मा नः॑	न॒ उक्ष॑न्तं
उक्ष॑न्तमु॒त	उ॒त मा॑
मा नः॑	न॒ उक्षि॑तं
उक्षि॑तमित्युक्षि॒तं	मा नः॑
नो॒ व॒धीः॑ >	व॒धीः॑ पि॒तरं॑ >
पि॒तरं॑ मा॑	मो॒त

उ॒त मा॒तरं॑ >	मा॒तरं॑ प्रि॒याः
प्रि॒या मा	मा नः॑
न॒स्तनु॑वः	त॒नुवो॑ रु॒द्र
रु॒द्र री॒रिषः॑	री॒रिषः॑ इति री॒रिषः॑
मा नः॑	न॒स्तो॒के
तो॒के त॒नये॑	त॒नये॑ मा
मा नः॑	न॒ आयु॑षि
आयु॑षि मा	मा नः॑
नो॒ गो॒षु	गो॒षु मा
मा नः॑	नो॒ अ॒श्वेषु॑
अ॒श्वेषु॑ री॒रिषः॑	री॒रिष॑ इति री॒रिषः॑
वी॒रा॒न्मा	मा नः॑
नो॒ रु॒द्र	रु॒द्र भा॒मितः॑
भा॒मितो॑ व॒धीः	व॒धीर् ह॒विष्म॑न्तः
ह॒विष्म॑न्तो न॒मसा॑	न॒मसा॑ वि॒धेम
वि॒धेम ते॑ >	त इति॑ ते
आ॒रा॒त्ते॑ >	ते गो॒घ्ने

गो॒घ्न उ॒त	गो॒घ्न इति गो - घ्ने
उ॒त पू॒रुष॒घ्ने	पू॒रुष॒घ्ने क्षय॑द्वी॒राय
पू॒रुष॒घ्न इति पू॒रुष - घ्ने	क्षय॑द्वी॒राय सु॒म्नं
क्षय॑द्वी॒रायेति क्षय॑त् - वी॒राय	सु॒म्नम॒स्मे
अ॒स्मे ते >	अ॒स्मे इत्य॑स्मे
ते अ॒स्तु	अ॒स्त्वित्य॑स्तु
रक्षा॑ च	च नः
नो॒ अधि॑	अधि॑ च
च दे॒व	दे॒व ब्रू॒हि
ब्रू॒ह्यध॑	अधा॑ च
च नः	नः शर्म
शर्म॑ यच्छ	यच्छ॑ द्वि॒बर्हाः >
द्वि॒बर्हा॑ इति द्वि - बर्हाः >	स्तु॒हि श्रु॒तं
श्रु॒तं गर्त्त॑सदं >	गर्त्त॑सदं यु॒वानं
गर्त्त॑सदमिति गर्त्त - सदं >	यु॒वानं मृ॒गं
मृ॒गन्न॑	न भी॒मं
भी॒ममु॒पह॑न्तुं	उ॒पह॑न्तुमु॒ग्रं

उ॒ग्र॒मि॒त्यु॒ग्रं	मृ॒डा ज॒रि॒त्रे
ज॒रि॒त्रे रु॒द्र	रु॒द्र स्त॒वानः
स्त॒वानो अ॒न्यं	अ॒न्यन्ते >
ते अ॒स्मत्	अ॒स्मन्नि
नि व॒पन्तु	व॒पन्तु से॒नाः >
से॒ना इति॑ से॒नाः >	परि॑ णः
नो रु॒द्रस्य॑	रु॒द्रस्य हे॒तिः
हे॒ति वृ॑णक्तु	वृ॒णक्तु परि॑
परि॑ त्वे॒षस्य॑	त्वे॒षस्य दु॒र्मतिः॑
दु॒र्मति॑र॒घायोः॑	दु॒र्मति॑रिति॑ दुः – म॒तिः
अ॒घायो॑रित्य॒घ – योः॑	अ॒व स्थि॑रा
स्थि॑रा म॒घव॑द्भ्यः	म॒घव॑द्भ्य स्त॒नुष्व
म॒घव॑द्भ्य इति॑ म॒घव॑त् – भ्यः॑	त॒नुष्व मी॒द्वः
मी॒द्व स्तो॒काय॑	तो॒काय त॒नयाय॑
त॒नयाय॑ मृ॒डय॑	मृ॒डयेति॑ मृ॒डय॑
मी॒दुष्ट॑म शि॒वत॑म	मी॒दुष्ट॑मेति॑ मी॒दुः – त॒म
शि॒वत॑म शि॒वः	शि॒वत॑मेति॑ शि॒व – त॒म

शिवो नः	नस्सुमनाः >
सुमना भव	सुमना इति सु - मनाः >
भवेति भव	परमे वृक्षे
वृक्ष आयुधं	आयुधं निधाय
निधाय कृत्तिं >	निधायेति नि - धाय
कृत्तिं वसानः	वसान आ
आ चर	चर पिनाकं
पिनाकं बिभ्रत्	बिभ्रदा
आ गहि	गहीति गहि
विकिरिद् विलोहित	विकिरिदेति वि - किरिद्
विलोहित नमः	विलोहितेति वि - लोहित
नमस्ते	ते अस्तु
अस्तु भगवः	भगव इति भग - वः
यास्तै >	ते सहस्रं >
सहस्रं हेतयः	हेतयो ऽन्यं
अन्यमस्मत्	अस्मन्नि
नि वपन्तु	वपन्तु ताः

ता इति ताः	सहस्राणि सहस्रधा
सहस्रधा बाहुवोः	सहस्रधेति सहस्र - धा
बाहुवोस्तव	तव हेतयः
हेतय इति हेतयः	तासामीशानः
ईशानो भगवः	भगवः पराचीना >
भगव इति भग - वः	पराचीना मुखा >
मुखा कृधि	कृधीति कृधि

16.11 श्री रुद्रक्रमः - एकादशो ऽनुवाकः

सहस्राणि सहस्रशः	सहस्रशो ये
सहस्रश इति सहस्र - शः	ये रुद्राः
रुद्रा अधि	अधि भूम्यां >
भूम्यामिति भूम्यां >	तेषां सहस्रयोजने
सहस्रयोजनेऽव	सहस्रयोजन इति सहस्र - योजने
अव धन्वानि	धन्वानि तन्मसि
तन्मसीति तन्मसि	अस्मिन् महति
महत्यर्णवे	अर्णवेऽन्तरिक्षे
अन्तरिक्षे भवाः	भवा अधि

अ॒धी॒त्य॒धि॒	नी॒ल॒ग्री॒वाः॑ शि॒ति॒क॒ण्ठाः॑ >
नी॒ल॒ग्री॒वा इति॑ नी॒ल - ग्री॒वाः॑ >	शि॒ति॒क॒ण्ठाः॑ शर्वाः॑
शि॒ति॒क॒ण्ठा इति॑ शि॒ति - क॒ण्ठाः॑ >	शर्वा॑ अ॒धः
अ॒धः क्ष॒मा॒च॒राः	क्ष॒मा॒च॒रा इति॑ क्ष॒मा॒च॒राः
नी॒ल॒ग्री॒वाः शि॒ति॒क॒ण्ठाः॑ >	नी॒ल॒ग्री॒वा इति॑ नी॒ल - ग्री॒वाः॑ >
शि॒ति॒क॒ण्ठा दि॒वं >	शि॒ति॒क॒ण्ठा इति॑ शि॒ति - क॒ण्ठाः॑ >
दि॒वꣳ रु॒द्राः	रु॒द्रा उ॒प॒श्रि॒ताः
उ॒प॒श्रि॒ता इत्यु॒प - श्रि॒ताः॑ >	ये वृ॒क्षे॒षु
वृ॒क्षे॒षु स॒स्मि॒ञ्ज॒राः	स॒स्मि॒ञ्ज॒रा नी॒ल॒ग्री॒वाः
नी॒ल॒ग्री॒वा वि॒लो॒हि॒ताः	नी॒ल॒ग्री॒वा इति॑ नी॒ल - ग्री॒वाः॑ >
वि॒लो॒हि॒ता इति॑ वि - लो॒हि॒ताः॑ >	ये भू॒ता॒नां >
भू॒ता॒नाम॒धि॒प॒तयः॑	अ॒धि॒प॒तयो॑ वि॒शि॒खा॒सः
अ॒धि॒प॒तय इत्य॒धि - प॒तयः॑	वि॒शि॒खा॒सः क॒प॒र्दि॒नः
वि॒शि॒खा॒स इति॑ वि - शि॒खा॒सः	क॒प॒र्दि॒न इति॑ क॒प॒र्दि॒नः
ये अ॒न्ने॒षु	अ॒न्ने॒षु वि॒वि॒द्ध्य॒न्ति
वि॒वि॒द्ध्य॒न्ति पा॒त्रे॒षु	वि॒वि॒द्ध्य॒न्तीति॑ वि - वि॒द्ध्य॒न्ति
पा॒त्रे॒षु पि॒बतः॑	पि॒बतो॑ ज॒नान्

ज॒नानि॒ति॒ ज॒नान्	ये प॒थां
प॒थां प॒थिर॒क्षयः॑	प॒थिर॒क्षय॑ ऐ॒ल॒बृ॒दाः
प॒थिर॒क्षय॑ इति॑ प॒थि - र॒क्षयः॑	ऐ॒ल॒बृ॒दा य॒व्यु॒धः
य॒व्यु॒ध इति॑ य॒व्यु॒धः	ये ती॒र्थानि॑
ती॒र्थानि॑ प्र॒चर॒न्ति	प्र॒चर॒न्ति सृ॒काव॒न्तः
प्र॒चर॒न्तीति॑ प्र - च॒रन्ति॑	सृ॒काव॒न्तो नि॒षङ्गि॑णः
सृ॒काव॒न्त इति॑ सृ॒का - व॒न्तः	नि॒षङ्गि॑ण इति॑ नि - सङ्गि॑नः
य ए॒ताव॒न्तः	ए॒ताव॒न्तश्च॑
च भू॒याꣳसः॑	भू॒याꣳसश्च॑
च दि॒शः	दि॒शो रु॒द्राः
रु॒द्रा वि॒तस्ति॒रे	वि॒तस्ति॒र इति॑ वि - त॒स्ति॒रे
तेषाꣳ स॒हस्र॑यो॒जने	स॒हस्र॑यो॒जनेꣳव
स॒हस्र॑यो॒जन इति॑ स॒हस्र - यो॒जने	अ॒व ध॒न्वा॒नि
ध॒न्वा॒नि त॒न्मसि॑	त॒न्मसी॑ति॒ तन्म॑सि
नमो॑ रु॒द्रेभ्यः॑	रु॒द्रेभ्यो॑ ये
ये पृ॒थि॒व्यां	पृ॒थि॒व्यां यै
येꣳन्त॒रि॒क्षे	अ॒न्त॒रि॒क्षे ये

ये दि॒वि	दि॒वि ये॒षां >
ये॒षाम॑न्नं >	अ॒न्नं वा॑तः
वा॒तो व॒र्षं	व॒र्षमि॑षवः
इ॒षव॑स्तेभ्यः	तेभ्यो॑ द॒श
द॒श प्रा॑चीः >	प्रा॒चीर्द॑श
द॒श द॑क्षिणा	द॒क्षिणा॑ द॒श
द॒श प्र॑तीचीः >	प्र॒तीची॑र्द॒श
द॒शोदी॑चीः	उ॒दीची॑र्द॒श
द॒शोर्ध्वाः	ऊ॒र्ध्वास्ते॑भ्यः
तेभ्यो॑ नमः	नम॑स्ते
ते नः	नो मृ॒डय॑न्तु
मृ॒डय॑न्तु ते	ते यं
यं द्वि॑ष्मः	द्वि॒ष्मो यः
यश्च	च नः
नो द्वे॑ष्टि	द्वे॒ष्टि तं
तं वः	वो ज॑म्भे
ज॑म्भे दधामि	द॒धामी॑ति दधामि

16.12 त्र्यंबकं यजामहे

त्र्यंबकं यजामहे	त्र्यंबकमिति त्रि - अंबकं >
यजामहे सुगन्धिं	सुगन्धिं पुष्टिवर्द्धनं
सुगन्धिमिति सु - गन्धिं	पुष्टिवर्द्धनमिति पुष्टि - वर्द्धनं
उर्वारुकमिव	इव बन्धनात्
बन्धनान् मृत्योः	मृत्योर्मुक्षीय
मुक्षीय मा	माऽमृतात् >
अमृतातित्यमृतात् >	यो रुद्रः
रुद्रो अग्नौ	अग्नौ यः
यो अप्सु	अप्सु यः
अप्स्वित्यप् - सु	य ओषधीषु
ओषधीषु यः	यो रुद्रः
रुद्रो विश्वा >	विश्वा भुवना
भुवना ऽऽविवेश	आविवेश तस्मै >
आविवेशेत्या - विवेश	तस्मै रुद्राय
रुद्राय नमः	नमो अस्तु
अस्त्वित्यस्तु	